

# D2U 365 BRASSBAND PREPARANDO "ALL THE WAY" PA CARNAVAL '98..

Foto y Texto: Poets

## DEN AMBIENTE

\*\* For di aña pasa den luna di november ya caba e incomparable brassband D2U 365 ta preparando pa e temporada di carnaval '98. Den un forma extensivo tres biaha pa siman nan ta ensaya na Kwihi Inn di nos gran amigo Andy Croes. E aña aki un biaha mas D2U 365 lo bay realiza un viahe historico na Estados Unidos, cual viahe lo ta uno pa promove Aruba engrande.

D2U 365 Brassband ta reconoci internacionalmente como nos embahadornan musical di nos ritmo ASAM-BEHO. Na aña 1995 nan a causa furor durante e carnaval di St. Maarten, na 1996 nan a planta respet na Miami durante e actividadnan di "Aruba Day", na 1997 nan a tembla e cayanan di New Orleans durante e festividadnan rondo di e final di Super Bowl. E aña aki un biaha mas mercedamente nan a bin na remarka pa bay promove Aruba na Estados Unidos durante un evento mundial pa promove e islanan caribeño. Den transcurso di e luna aki mes, DEN AMBIENTE lo anuncia cu tur luho di detaye e ciudad y e fecha.

Mientrastanto DEN AMBIENTE a ricibi e noticia cu Edwina Werleman di Claudius & O.R.E.O. a ser encarga como e roadmanager di D2U 365 Brassband. E prome salida oficial di D2U 365 lo bay ta awenochi durante e fakkeloptocht y tambe dia 9 di januari nan lo bay duna un show special durante e "Jump Inn" na Kwihi Inn, organiza pa e grupo di carnaval "The Dream Team Sta Cruz".

Pa esnan cu ta interesa pa un presentacion di D2U 365 Brassband durante e temporada aki, mester yama mas pronto cu ta posibel na tel: 825252 y puntra pa Edwina Werleman of tel: 50510 puntra pa Rimberth "Pilili" Croes...



**\*\* Aki por aprecia integrantenan di D2U 365 Brassband durante nan presentacion triunfante animando e victoria campeonil di Riverplate den Complejo deportivo Guillermo Trinidad...**



**\*\* E motor incansable di D2U 365 Rimberth "Pilili" Croes y Mr. Carlyle representante di D2U riba tereno internacional ta inspeccionando e ensayo extensivo di e incomparable brassband...**



**\*\* E seccion di brass di D2U 365 den nan ensayo extensivo..**

## BMW DEN FULL SWING CU NAN PRODUCCION PA AÑA 1998..



\*\* For di aña pasa den luna di december e popular grupo di rap BMW ta den full swing cu nan grabacion den Cristal Factory Studio y tambe den Aruba Recording Studio pa nan produccion pa aña 1998. E maestro inge-

niero musico internacional Hildward Croes lo bay produci e CD aki. Por a compronde for di e integrantenan cu muy pronto nan lo los nan prome cancion cu lo bay ta nan roadmarch pa carnaval '98, mientras cu e CD mes lo bay

sali riba mercado net despues di e resultado di e Calypso & Roadmarch Contest. Ya caba nan a anuncia nan participacion pa e Calypso & Roadmarch Contest, cual e biaha aki nan ta bin mas fuerte cu nunca!..